



1 Maart 2021

Beste Uitstaller

## Lees asseblief hierdie Inligtingsdokument baie sorgvuldig deur.

Dit is vir ons baie aangenaam om julle in kennis te stel dat vanjaar se Kersmark gehou sal word by die Stellenbosch-Sentraal Kerkentrum, h/v Martinsonstraat & Unielaan, Uniepark, Stellenbosch.

Ons mark vind vanjaar plaas vanaf **Woensdag 24 November tot Saterdag 4 Desember 2021**.

Die Kersmark verkoop hoofsaaklik 'n wye verskeidenheid, kwaliteit handgemaakte artikels en is veral gerig op die verkoop van Kersgeskenke.

<b>TYE:</b>	Maandae tot Vrydae	09:00 -	19:00
	Saterdag	09:00 -	16:00
	Sondae	Gesluit	

### ALGEMENE VOORWAARDES VIR UITSTALLERS

- U tafel moet te alle tye vol wees en die voorraadvlakke moet tot op die laaste dag van die Kersmark gehandhaaf word.
- Indien u wel by ander markte uitstal moet dit nie u voorraadvlakke by die Kersmark beïnvloed nie.
- Indien die tafel leeg loop sal 'n addisionele boete van **R200** per dag gehef word.
- Uitstallers mag hulle kontakbesonderhede op hulle produkte en uitstalruimtes plaas.
- Uitstallers van gesogte juweliersware en kosstalletjies (bv olywe) moet daaglik hulle stalletjies beman en proebakkies **self** opvul en skoon maak.
- Slegs items wat deur die keuringsproses goedgekeur is, mag uitgestal word.
- **Geen diensbeurte word deur uitstallers gedoen** nie. 'n Bedrag van **R200** moet vir diensbeurte betaal word, saam met die tafelkoste.
- Diensbeurte sal deur opgeleide en verantwoordelike personeel gedoen word.
- Produkte se pryse mag nie tydens die Kersmark verhoog of verminder word nie.
- Maak 100% seker dat u bankbesonderhede, kontaknommers en e-posadresse volledig en korrek op die getekende aansoekvorm aangebring word.
- Die koördineerder en komitee van die Kersmark is nie verantwoordelik vir enige verliese gely tydens die duur van die mark nie.

### AANSOEKVORM EN PRODUKTELYS

Vul die aansoekvorm en produktelys asseblief **ELEKTRONIES** in, om leesbaarheid te verseker. Dui duidelik aan of u 'n kragtpunt benodig - daar is beperkte spasies beskikbaar wat toegang tot 'n kragtpunt het. (Ons sal ons bes probeer om u te akkommodeer met 'n kragtpunt, indien dit moontlik is.) Stoor dit en e-pos dit tesame met foto's van jou produkte, aan ons. Die aansoekvorm moet deur u onderdeken word as bevestiging dat u ons voorskrifte aanvaar. Maak asseblief seker dat u die verkoopprijs, wat tydens die Kersmark van toepassing gaan wees, hierop aanbring. Pryse mag glad nie gedurende die mark verander word nie.

## SLUITINGSDATUM VIR AANSOEKE

**Die sluitingsdatum vir aansoeke is 30 JUNIE 2021.** Moet asseblief nie wag tot op die laaste dag nie, aangesien die e-pos lading dan te groot is en dit die finalisering van die keuring vertraag. Aansoeke moet aan [kersmark@familiekerk.com](mailto:kersmark@familiekerk.com) of [kantoor@familiekerk.com](mailto:kantoor@familiekerk.com) gestuur word. *Maak asseblief seker dat u al die reëls en vereistes nakom. U getekende aansoekvorm tesame met 'n afskrif van u identiteitsdokument en foto's van u produkte moet die kerkkantoor bereik voor die sperdatum.*

*Indien u aansoek suksesvol was, sal u per e-pos bevestiging ontvang na die keuring.*

**Indien u aansoek nie suksesvol is nie sal u in kennis gestel word en geen verdere korrespondensie of telefoongesprek sal verder daarvoor gevoer word!**

## KEURING

- Die volgende word as kriteria vir die keuring van produkte gebruik:
  1. Hoogstaande gehalte
  2. Keurige aanbieding.
  3. Billike pryse
  4. Oorspronklike en kreatiewe produkte

## KEURINGSDAE

### PROSEDURE

Keuring sal hierdie jaar elektronies plaasvind. Duidelike foto's van u produkte moet u aansoek vergesel. Keuring vind plaas vanaf **1 JULIE tot en met 16 JULIE 2021**. Uitstallers wie se aansoek suksesvol was sal per e-pos vanaf **2 AUGUSTUS 2021** in kennis gestel word.

## UITPAK EN OPRUIM

Uitstallers kan op Dinsdag 23 November 2021 uitpak.

**Reëlins ten opsigte van die tyd en waarop elke uitstaller mag uitpak sal aan julle deurgegee word.**

**Die stalletjies moet reeds uitgepak wees teen 16h00.** Uitstallers moet hulle tafels bedek met 'n tafeldoek **wat tot op die grond hang**. Staanders wat stewig geanker is vir uitstaldoeleindes mag bo-op die tafels gebruik word. U is verantwoordelik daarvoor om self u artikels uit te stal en in gevalle waar dit onmoontlik is, moet u asseblief self reëlins in hierdie verband tref. U mag geen spykers, duimspykers of gomme gebruik om u produkte aan mure, deure of ander eiendom te heg nie. Ekstra voorraad kan onder u tafel gebêre word. Die konvenors sal sover moontlik die artikels op u tafel vanuit die voorraad onder die tafel aanvul. Dit is dus noodsaaklik dat u sal sorg vir genoegsame voorraad vir die volle duur van die mark. Dit bly egter nog steeds u eie verantwoordelikheid om vas te stel watter voorraad aangevul moet word of om iemand te vra om u op hoogte van sake te hou.

Indien u stoorspasie vir ekstra voorraad benodig wat NIE onder die tafel gestoor kan word nie, moet u asseblief direk met die kantoor reëlins tref om ekstra stoorspasie te bespreek.

Die Stellenbosch Kersmark eindig op Saterdag, 4 Desember, om 16:00. 'n Aankondiging sal in die kostent gemaak word wanneer u die stalletjie mag oppak. U kan vanaf **17:00** u tafels begin oppak, nadat die afkondiging gemaak is (lees asseblief Brief gerig aan Uitstallers wat op die web beskikbaar is) – u mag slegs oppak sodra alle kliënte verby die betaalpunt beweeg het. Graag rig ons weer 'n vriendelike versoek tot u, om **asseblief** u tafel direk na afloop van die mark op te pak. **DAAR MAG ONDER GEEN OMSTANDIGHED VOOR 17:00 OPGEPAK WORD NIE.** Indien iemand anders namens u oppak moet die reëlins vooraf met die Kersmarkkantoor getref word. Die Kersmarkpersoneel kan onder GEEN omstandighede die tafels names die uitstallers uitpak of oppak en die voorraad berg nie.



## PRYSETIKETTE – “Barcodes”

1. Indien jou prysetikette aan jou gekoerier moet word sal 'n addisionele bedrag van **R200** per uitstaller betaalbaar wees. Die posgeld moet saam met die registrasiegelde betaal word. Bevestig per e-pos na watter adres die etikette gekourier moet word.

**Verdere inligting aangaande die strepieskodes sal in 'n opvolg skrywe aan julle gerig word.**

## TERREIN

Die Kersmark vind plaas by die kerksentrum van Stellenbosch-Sentraal Gemeente, met twee bykomende markiestente wat vir die tydperk van die Kersmark opgerig word.

**Adres:** H/v Martinsonstraat & Unielaan, Uniepark, Stellenbosch (oorkant Stellenbosch Hoërskool).

**REGISTRASIE** (Indien u gekeur word)

**Slegs vol tafels of vol vloerspasiae sal beskikbaar wees wat as uitstalruimte gebruik kan word.**

TAFELGROOTTE: 1,80 x 0,75 meter

- **R850** per tafel /vloerspasie

- **Registrasiegeld, diensbeurtgelde en posgeld is voor of op 31 Augustus 2020 betaalbaar.**

**Indien geen betaling @ 30 SEPTEMBER 2021 ontvang is nie, sal u spasio aan 'n ander uitstaller toegeken word.**

- **R850** per vloerspasie (1.80 x 0.75 cm) (eie rak of tafel)
- **R850** per tafel (1.80 x 0.75 cm) (ons voorsien die tafel)

Elektroniese oorbetalings moet vergesel word met 'n duidelike verwysing: jou **voorletter** en **van**. (Nie besigheidsnaam nie).

## BANKBESONDERHEDE:

**STELLENBOSCH KERSMARK**  
**ABSA BANK**  
**REKENINGNOMMER: 405 985 5109**  
**TAKKODE: 632005**

**Registrasiegeld, diensbeurte en posgelde is nie terugbetaalbaar nie.**

## KOMMISSIE

Uitstallers staan 19 % van alle verkope aan die gemeente af. U verkoopprijs moet dus die 19 % reeds insluit. **Alle** uitstallers betaal dieselfde persentasie kommissie.

*Verkoopprijs moet asseblief tot die naaste Rand afgerond word.*

**Kostentstalletjies in die kostent-area se kommissie sal direk aan julle gekommunikeer word.**

**SEKURITEIT**

Let asseblief daarop dat sekuriteit slegs geld vanaf Dinsdag 23 November tot en met Saterdag, 4 Desember 2021.

**REKLAME EN PUBLISITEIT**

Ons beoog wye publisiteit van die Kersmark deur middel van die pers, pamflette, plakkate en advertensies in koerante, asook elektronies per sms, e-pos, facebook en instagram.

**VRYWARING:**

“Nieteenstaande enigiets tot die teendeel hierin vermeld of andersins aan u meegedeel, sal die uitstaller geen eis of verweer van enige aard, hetsy vir direkte, indirekte of gevolgsake, teen die kerk of Sentraal Kersmark Edms. Bpk hê, weens enige handeling of versuim van die kerk of Sentraal Kersmark Edms. Bpk, sy personeel of agente nie. Dit sluit in, maar is nie beperk nie tot brand, inbrake, handelinge van God, diefstal, enige skade aan die produkte of eiendom van die uitstaller of enige beserings wat u of enige persoon wat u help met die uitstalling mag opdoen. Die uitstaller onderneem om die kerk of Stellenbosch Kersmark Edms. Bpk te vrywaar en skadeloos te stel vir alle verlies of skade, hoe dit ook al mag ontstaan, wat die kerk of Stellenbosch Kersmark Edms. Bpk mag ly weens die uitstaller se deelname aan Kersmark 2021.”

**KONTAKPERSOON**

Wendy Theron

[kersmark@familiekerk.com](mailto:kersmark@familiekerk.com)

[kantoor@familiekerk.com](mailto:kantoor@familiekerk.com)

*Stellenbosch-Sentraal Gemeente*

Kantoor: 021-883 3850

Kantoor-ure: 08h00 – 13h00

*Kersmarkgroete*

